


[www.BibleForChildren.org](http://www.BibleForChildren.org)


# मत्ती 26




फिर ईसु फसह से  
छै दिन पहले  
बैतनिय्याह मैं आओ  
जहाँ पर लाजर रहै, जोकै  
ईसु मर कै भी जिंदो करी रहै।  
मरियम जटामांसी से बनो भौ  
लमसम आधो किलो सुद्ध इत्तर लैकै  
ईसु की टाँगन मैं अभिसेक करी,  
और अपने बार से बाकी टाँगन  
कै पछोनी। इत्तर की मीठी  
महक से पूरो घर महाक गौ।



और यहूदा इस्करियोती जो बारहों में से एक रहै, और बौ मुखिया  
पुजारिन के झोने गौ ताकी उनके हाथ ईसु कै पकड़वाए सकै। जे बात  
बाकी सुनकै बे बड़ा खुस भै, और बाकै  
रुपईया देन के ताहीं वादा करीं; और  
बौ मौका ढूँड़न लागो कि ईसु कै  
कौन सी तरकीब से पकड़बामैं।



ईसु जैसी बताई रहै, चेला फसह के खानु की तैयारी करीं। जब बे खात रहैं, तौ ईसु रोटी लई, और आसीस माँग कै तोड़ी, और चेलन कै दैकै कही, “लियौ, खाबौ; जहे मेरी सरीर है।” फिर बौ कटोरा लई और धन्यवाद करी, और उनके दैकै कही, “तुम सब जामैं से पीबौ, काहैकि जौ मेरो वाचा को खून है, जो निरेन के ताहीं पापन की माफी के ताहीं बहाओ जाथै।”




“सिमौन, सिमौन! बात सुन! सैतान तुम सबन कि परिक्र्छा लेन की, अच्छाई कै बुराई से अलग करन के ताहीं इजाजत लै लई है, जैसे एक किसान गेहूँ कै भूसा से अलग करथै। लेकिन हे सिमौन, मैं तेरे ताहीं प्रार्थना करो हौं, कि तेरो बिस्वास कम ना होबै। और जब तैं मेरे पास लौटेगो, तौ तोकै अपने भईय्यन कै मजबूत करने होगो।” पतरस जबाब दई, “प्रभु, मैं तेरे संग कैदखाना जान और तेरे संग मरन के ताहीं तैयार हौं!” ईसु कही, “मैं तोसे कहथौं, पतरस, जब तक तैं तीन बार ना कहगो कि तैं मोकै ना जानथै, तौले मुर्गा आज रात ना बासैगो।”



तौ ईसु अपने चेलन के संग  
गतसमनी नाओं की जघा में गौ,  
और बौ उनसे कही, “मैं हीना  
बैठके प्रार्थना कर रौ हौं।” और  
ऐसे कहेन लागो, “हे परमपिता  
तोसे तौ सबै कछु हुई सकथै, जौ  
कटोरा मेरे अग्गु से हटाय दे।  
तहुँओं जैसो मैं चाहथौं बौ नाय  
लेकिन जो तू चाहथै बहे होबै।”



तौ यहूदा, सिपर्डय्यन की एक टोली कै और मुखिया पुजारी और फरीसियन की तरफ से उनके काम करन बारेन कै लैकै, दिया और मसाल और हथियार लैकै हुँआँ आओ। और उनमें से एक बड़े पुजारी के सेवक के ऊपर तलवार चलाय दर्ई और बाको दहने कान कै काट दर्ई।लेकिन ईसु कही, “अब बस ही गौ!” बौ आदमी के कान के छुइ और बाकै अच्छो करी।




बे ईसु कै गिरफ्तार करीं और बाकै बड़े पुजारी के घर में लैगै; और पतरस थोड़ी दूर हुईकै पीछा करी। और जब बे आँगन के बीच में आगी सुलगाए कै बैठै, तौ पतरस बे लोगन बीच में बैठगौ, जो गोल घेरा बनाएकै बैठै रहैं।




बड़े पुजारी के सेवकन मैं से एक,  
जो बाके परिवार को रहै जोको  
कान पतरस काट दई रहै, बौ बोलो,  
“का मैं तोकै बाके संग बारेन मैं नाय  
देखो रहों?” पतरस फिर से मना कर दई,  
और तुरंतै मुर्गा बास दई।पतरस बाहर  
चले गौ और फूट-फूट कै रोन लागो।




पूरो समूह उठके ईसु कै पिलातुस के सामने लैगै,  
पिलातुस ईसु से पूँछी, “का तैं यहूदियन को  
राजा है?” ईसु जबाब दई, “तैं खुदै कहरौ है।”  
पर पिलातुस ईसु कै छोड़नो चहात रहै, इसलै  
बौ भीड़ कै फिर से समझाई। लेकिन बे  
चिल्लाई, “बाकै क्रूस में  
चढ़ाबौ! बाकै क्रूस में चढ़ाओ!”




तौ बौ ईसु कै उनके हाथ में सौंप दई  
ताकी बौ क्रूस में चढ़ाओ जाबै, तौ फिर बे  
ईसु कै हूँना से लैगै। ईसु अपनो क्रूस  
उठाएकै बौ जघा ले दुआरे गौ, जो  
“खोपड़ी कि जघा” कहो जाथै, इब्रानी में  
जाकै “गुलगुता” कहो जाथै।



हूँना बे बाकै क्रूस में चढ़ाई; और बे दुई और  
आदमिन कै सूली में चढ़ाय दई, बे ईसु के इतै-उतै  
सूली में चढ़ाय गै रहैं, और ईसु बीच में  
सूली में चढ़ाओ गौ रहै।



और मंदिर में लटको भौ परदा बीच से फटकै दुई टुकड़ा हुई गौ। ईसु  
ऊँची अबाज में पुकारी, “दऊवा! मैं अपनी आत्मा तेरे हातन में  
सौंपथौं।” बौ ऐसे कही और मरकुस गौ।



अरिमतियाह को रहेन बारो यूसुफ आओ, और  
बौ महासभा को मानो भौ मनतरी रहै।  
और खुद बौ परमेस्वर के राज्य के  
इंतजार में रहै। बौ हिम्मत  
भाँदकै पिलातुस के झोने  
गौ और ईसु की  
लास माँगी।

तौ बौ एक लीनन को चद्दर  
लई, और लास कै बामै  
लिपटाए दई, और एक कबर  
में जो चट्टान में खोदी गई  
रहै धरी, और कबर के  
मोहोंट में एक भारी पथरा  
दुरकाय दई।



अगले दिन, साबत को दिन रहै, मुखिया पुजारी  
और फरीसी पिलातुस से मिले और कहीं,  
“गुरुजी, हमें याद है कि जब बौ  
झूठो जिंदो रहै तहुँओं बौ कही  
रहै, ‘मैं तीन दिन बाद जी  
उठंगो।’” तभई बे पथरा मैं  
एक मुहर लगाएकै और  
पहरेदारन कै ध्यान से  
कबर की रखबारी

करन कै छोड़ीं।




साबत के बाद, जैसो की इतवार सप्ताह को  
पहलो दिन रहै, मरियम मगदलीनी और  
दुसरी मरियम कबर कै देखन गईं।

अनकाचीति से एक खतरनाक  
भूकंप आओ; स्वर्ग से उतरो  
प्रभु को एक दूत, पथरा कै  
हटाय दई, और बाके ऊपर  
बैठगौ। रखबरेया इत्ते  
डराने भै


रहैं कि बे कप-कपाय गै  
और बेजान आदमी से  
हुईगौ।




स्वर्गदूत बर्डियरन से बतकाई। बे कहीं, “तुम  
डराबौ मत्ती, मोए पता है कि तुम ईसु कै  
हुँड रै हौ, जोकै क्रूस में चढाय दौ गौ  
रहै। बौ हियाँ नाय है; और बे  
कहीं, पर अपने बचन के  
अनुसार जी उठो है। हियाँ  
आयकै देख लियो,  
जितै बौ लेटो रहै।”



तभई बे जल्दी बाजी मैं कबर से चले गईं, डरानि  
और खुसी से भरी चेलन कै बतान कै भाज  
पड़ीं। अनकाचीति ईसु उनसे मिलो और  
कही, “तुमकै सांति मिलै।” बे बाके  
झोने आए, और घुपटियाय कै,  
बाकी आराधना करीं।





आखरी में जब बे ग्यारह चेला खानु खान बैठे रहैं। तौ ईसु उनके दिखाई दर्ई, उनके अविस्वास और करे मन होन पर समझाई कि बिस्वास करौ। जो बाकै जिंदो होन के बाद देखी रहै, बे उनके ऊपर भरोसो नाय करी रहैं। प्रभु ईसु उनसे बात करन के बाद स्वर्ग के ऊपर उठाए लौ गौ, और परमेस्वर के दहने घाँई बैठगौ।



काहैकि परमेस्वर जौ दुनिया से ऐसो प्यार करी  
कि बौ अपनो इकलौतो लौड़ा दै दर्ई, ताकी जो  
कोई बाके ऊपर बिस्वास करै, बौ नास ना  
होबै, बल्किन अनंत जिंदगी पाबै।



रोमियों 3:23

तभईये सबै पाप करीं हैं और परमेस्वर की महिमा से दूर हैं,

रोमियों 6:23

पाप कि मजदूरी तौ मौत है, लेकिन परमेस्वर को वरदान हमरे प्रभु मसीह ईसु में अनंत जिंदगी है।

इब्रानियों 9:27

और जैसी इंसानन के ताहीं एक बार मरनो और बाके बाद न्याय को होनो ठहराओ गौ है।

इफिसियों 2:8,9

काहैकि बिस्वास के अनुग्रह सेई तुमरो उद्धार भौ है; और जौ तुमरे करमन से नाय है, बल्किन परमेस्वर को दान है, और ना करमन के बजह से, काहैकि ऐसो नाय होबै कि कोई गुमान करै।



रोमियों 10:9,10 कि अगर तैं अपने मोहों से ईसु कै प्रभु मानकै अंगीकार करै मतलब ईसु कै प्रभु मानिये लेबै और अपने मन में बिस्वास करकै कि परमेस्वर बाकै मरे भैन में से जिंदो करी है, तौ तू सच्ची में उद्धार पायगो। काहैकि धार्मिकता के ताहीं मन से बिस्वास करो जाथै, और उद्धार के ताहीं मोहों से अंगीकार करो जाथै।

यूहन्ना 3:16,17 “काहैकि परमेस्वर जौ दुनिया से ऐसो प्यार करी कि बौ अपनो इकलौतो लौड़ा दै दई, ताकी जो कोई बाके ऊपर बिस्वास करै, बौ नास ना होबै, बल्किन अनंत जिंदगी पाबै। परमेस्वर अपने लौड़ा कै जौ दुनिया में जाके ताहीं नाय पनारी, कि बौ दुनिया में न्याय करै, बल्किन जाके ताहीं पनारी कि जौ दुनिया में बाके जरिये उद्धार पामैं।

1 यूहन्ना 5:11-13 गभाई जौ है: परमेस्वर हमें अनंत जिंदगी दई है, और जौ जिंदगी बाके लौड़ा में जाको स्रोत है। जोके पास भी लौड़ा है बाकी जिंदगी है; जोके पास परमेस्वर को लौड़ा नाय है बाके पास जिंदगी नाय है। में जौ तुमकै तभईये लिखरौ हौं ताकी तुम जान सकौ कि तुमरे पास अनंत जिंदगी है, तुम जो परमेस्वर के लौड़ा के नाओं के ऊपर बिस्वास करथौ।



मत्ती 26-28; लूका 22-24; यूहन्ना 13-21

Storyline by: Edward D. Hughes

Illustrated by: Janie Forest  
and Alastair Paterson

Adapted by: Lyn Doerksen

Rana Tharu Bible (thr) ©The Word for the World  
International and Rana Tharu Translation Samithi, Khatima,  
UttraKhanda, India. 2025

<https://www.bible.com/bible/4065/MAT.1.RTU2025>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

